

中國古代都城資料選刊

歷代宅京記

顧炎武著

中國古代都城資料選刊

歷代宅京記

顧炎武著

中華書局

中國古代都城資料選刊

歷代宅京記

顧炎武著

*

中華書局出版

(北京王府井大街36號)

新華書店北京發行所發行

北京懷柔縣東茶壩印刷廠印刷

*

850×1168毫米 1/32·12¹/₄印張·193千字

1934年2月第1版 1934年2月北京第1次印刷

印數 00,001—10,000冊

統一書號: 11018·1196 定價: 1.35元

出版說明

顧炎武《歷代宅京記》二十卷，又稱《歷代帝王宅京記》，是顧氏所編《肇域志》和《天下郡國利病書》的姊妹篇。《肇域志》專記輿地，《天下郡國利病書》重在政事，《歷代宅京記》則彙記歷代都城史實，是我國第一部輯錄都城歷史資料的專書。

《歷代宅京記》的抄本很多，刊本也有數種。我們以清嘉慶十三年（一八〇八）來賢堂刊本爲底本，並參校了《槐廬叢書》三編本、《碧琳瑯館叢書》本和北京圖書館藏的清抄本，它們之間在某些字句上的歧異，多是傳抄所誤。由於《歷代宅京記》中所引的文獻，絕大部分原書尚存，在點校時都核對了原書，改正了若干脫誤，一般不另出校記。有些引文未照錄原文，而是僅敘其大意的，凡屬此類，只要不失原意，我們也不再重錄原文了。

要特別加以說明的是，卷十二所錄鄴城資料，全卷皆錄自明嘉靖《彰德府志》卷八《鄴都宮室志》，此卷應出自宋《相臺志》，是目前所知關於鄴城的最重要的史料。來賢堂本中的誤字脫字，均以天一閣藏嘉靖《彰德府志》校補。

D1338/2

出版說明

本書由于杰同志點校。書後所附索引由張忱石同志編製。

二

中華書局編輯部

一九八三年一月

自古帝王維繫天下，以人和不以地利，而卜都定鼎，計及萬世，必相天下之勢而厚集之。周之盛也，元公營洛以備時巡，而豐鎬之故都未之有易，洎乎宣幽，王靈不替。至於平王，舉祖宗之故地而棄之秦，黍離之所以降爲王風也。柳子厚謂周之亡久矣，徒建空名於諸侯。夫以文武成康功德之在人，宜若設險守國，可以無庸，而大勢一失，不能復振，豈非得全者昌，失全者亡，古之帝者必居上游，其以此哉。漢婁敬之言，賴張良力贊成之。唐武德中，遣使按行樊鄧，將徙都焉，因秦王之諫而止。宋都洛陽，謀徙而弗果也。太祖曰：不出百年，天下民力竭矣。其後果致偏安。有識之士謂：明成祖不遷北平，則南都未所以二百四十年而無事。由是言之，天下之勢，自西而東，自北而南，建瓴之喻，據古如茲，於今爲烈矣。

舅氏亭林先生，天賦高才，繼古人絕學，當明之末，欲有所樹立，迄不得試，乃退著書以自是。有曰：肇域志，囊括一統志、二十一史及天下府、州、縣之志書而成者也。繼又摘其有關政事者，爲天下郡國利病書。而復彙從來京都沿革之故，參互攷訂，輯成是編，共二十卷，名曰歷代宅京記。

夙嘗請之，而未肯出諸笥也。歲之壬戌，先生捐館，簡閱遺書，則是編存焉。余曩者大廷對策，謬荷先帝國士之知。先生最語：必有體國經野之心，而後可以登山臨水，必有濟世安民之識，而後可以考古

論今。元文雖不敏，請事斯語，迄今三十年，未之敢忘。茲者，恭膺天眷，承乏綸扉，常恐有負先生之教，下負所學，卽上負聖明，因不揣固陋，序而歸諸其嗣。嗚呼！在德不在險，自古言之，而冀都好風水之說，顧出自朱子，則先生是編固俟後聖而不惑也夫。庚午春王甥徐元文拜述。

寧人顧氏，崎嶇南北，所攷山川、都邑、城郭、宮室，皆出自實踐。當先生盛遊之時，嘗以一羸二馬載書自隨，所至扼塞，即呼老兵土民，詢其曲折。或與平日所聞不合，則即坊肆中發書而對勘之。或經行平原大野，無足留意，於鞍上默誦諸經註疏，偶有遺忘，則又發書而熟讀之，其精審如此。

先生撰肇域志未成，其藁本散出四方者，雙行夾註，頗難讐校。至郡國利病書，流傳雖多，然強半爲抄手割落，而四庫書中又僅列之存目，民間無從是正。惟此本宅京記爲先生族裔孫願竹樓所藏，王樹畦同年携以示余，釐訂修整，具有條理，不似肇域志之煩矣。然此書閣本有之，或者取而校訂其異同，不亦更善乎！揚州後學阮元敘。

歷代宅京記目錄

卷第一	總序上	一
卷第二	總序下	一七
卷第三	關中一周秦漢	三五
卷第四	關中二	五七
卷第五	關中三	七四
卷第六	關中四	九五
卷第七	雒陽上	一四
卷第八	雒陽中	二八
卷第九	雒陽下	四七
卷第十	成都	六四
卷第十一	鄴上	六六
卷第十二	鄴下	七四
卷第十三	建康	九〇

卷第十四	雲中	二〇六
卷第十五	晉陽 太原 大名	二一七
卷第十六	開封	二二三
卷第十七	宋州 臨安	二四四
卷第十八	臨潢	二五一
卷第十九	幽州	二六一
卷第二十	遼陽 大定 會寧 開平	二八〇
附錄	四庫全書總目提要卷六八歷代帝王宅京記提要	二八八

歷代宅京記卷之一

總序上

伏羲氏都於陳。今河南開封府陳州有太昊陵。

春秋傳曰：陳太昊之虛也。

曲阜縣。

神農氏，初都陳，後居曲阜。司馬貞三皇本紀註曰：按今淮陽有神農井。又左傳：魯有大庭氏之庫是也。今山東兗州府

水經注曰：陳城，故陳國也。伏羲、神農並都之，城東北三十許里，猶有羲城，實中。

黃帝居軒轅之丘，山海經曰：在窮山之際，西射之南。邑于涿鹿之阿，今直隸保安州。遷徙往來無常處，以師兵爲營衛。

後漢郡國志：上谷郡涿鹿縣，引帝王世紀曰：黃帝所都，有蚩尤城、阪泉、黃帝祠。水經注曰：魏土地記曰：下洛城東南六十里，有涿鹿城，城東一里有阪泉，泉上有黃帝祠。晉太康地理記曰：阪泉，亦地名也。泉水東北流，與蚩尤泉會，水出蚩尤城。城無南面。魏土地記稱：涿鹿城東南六里，有蚩尤城，泉水淵而不流，霖雨則流注東北入涿水。

少昊自窮桑登帝位，在魯城北。居曲阜。今曲阜縣有少昊陵。

春秋傳曰：封伯禽於少昊之虛。註：少昊虛，曲阜也，在魯城內。劉楨魯都賦：昔大庭氏肇建厥居，少昊受命亦都茲焉。

顓頊都帝丘。今山東東昌府濮州。

春秋傳曰：衛，顓頊之虛也，故爲帝丘。註：衛今東郡濮陽縣。昔帝顓頊居之，其城內有顓頊塚。皇覽曰：顓頊塚在城門外廣陽里中。

帝嚳都亳。今河南河南府偃師縣。

水經注曰：亳，本帝嚳之墟，在禹貢豫州河洛之間，今河南偃師城西二十里，尸鄉亭是也。

堯都平陽。今山西平陽府臨汾縣。

五子之歌曰：維彼陶唐，有此冀方。孔安國傳：冀州，堯所都。

春秋傳曰：吳公子札觀樂，爲之歌，唐曰：思深哉！其有陶唐氏之遺民乎？

後漢郡國志曰：河東郡平陽，侯國。有鐵。堯都此。應劭曰：在平河之陽。

舜都蒲坂。今山西平陽府蒲州。皇甫謐曰：舜所都，或言蒲坂，或言平陽，或言潘。潘，今上谷鵠州城是也。

禹都安邑。今山西平陽府解州安邑縣。郡縣志：夏縣東北十五里安邑故城，禹所都也。皇甫謐曰：都平陽，或在安邑，或在

晉陽。服虔曰：唐虞夏之都，大率相近，不出河東之界。

湯居亳。

書序曰：自契至於成湯八遷，湯始居亳，從先王居。傳曰：契父帝嚳都亳。湯自商丘遷焉，故曰從先王居。金

履祥曰：唐虞以上，無王稱，且契非魯子。借使魯子，不宜謂魯先王也。先王者，必指玄王，此商人追稱之辭也。

漢書地理志曰：河南郡偃師，殷湯所都。皇覽曰：偃師有湯亭，有湯祠。書立政：三亳。皇甫謐曰：蒙

爲北亳，穀熟爲南亳，偃師爲西亳。詩玄鳥正義曰：亳，地在河洛之間。書序註云：今屬河南偃師。地理志：河南郡有偃

師縣，有戶鄉，殷湯所都。皇甫謐云：學者咸以爲亳在河洛間，今河南偃師西二十里有戶鄉亭是也。謐考：孟子稱湯居亳，與葛爲

鄰。案：地理志，葛今梁國寧陵之葛鄉是也，湯地七十里耳。葛伯不祀，湯使亳衆爲之耕，有童子餉食，葛伯奪而殺之。古文仲虺之

誥曰：湯征自葛始。計寧陵去偃師八百里，而使亳衆爲耕，有童子餉食，非其理也。今梁國自有二亳，南亳在穀熟之地，北亳在蒙地，

非偃師也。書序曰：盤庚五遷，將治亳，即偃師是也。然則殷有三亳，一在梁國，一在河洛之間，穀熟爲南亳，即湯都也。蒙爲北

亳，即景亳，是湯所受命也。偃師爲西亳，即盤庚所徙者也。立政之篇曰：三亳，坂尹是也。如謐之言，非無理矣。鄭必以亳爲戶鄉

者，以地理志言戶鄉爲殷湯所都，是舊說爲然，故從之也。且中候洛子命云：天乙在亳，東觀在洛。若亳在梁國，則居於洛東，不得

東觀於洛也。所言三亳坂尹，謂其尹在坂。謐之所言三亳，其地非皆有坂，故立政註云：三亳者，湯舊都之民，分爲三邑，其長居險，

故云坂尹。蓋東成阜，南軒轅，西降谷也。是鄭以三亳爲分亳民於三處，非三處有亳地也。杜預以景亳爲周地，河南鞏縣西南有湯

亭，或說即偃師也。漢書音義曰：臣瓚案：湯居亳，今濟陰薄縣是也。今薄有湯冢，已氏有伊尹冢，皆相近。又以亳爲濟陰薄縣。以

其經無正文，故各爲異說。地名變易，難得而詳也。

括地志曰：宋州穀熟西南三十五里南亳故城，即湯都。北五十里大蒙城爲景亳，湯所盟地，因景山爲名。河南偃師爲西亳，帝嚳及湯所都。盤庚所遷亳邑故城，在偃師縣西十四里。

仲丁遷於囂。音激。史記作微。書正義曰：李願云：囂在陳留浚儀縣。皇甫謐云：仲丁自亳徙囂，在河北也。或曰今河南

敖倉。二說未知孰是。括地志曰：蒙陽故城在鄭州榮澤縣西南，殷時放地也。周時名北制，在敖山之陽。後屬韓，爲蒙陽縣，今河

南開封府鄭州榮澤縣。

河亶甲居相

書傳曰：在河北。括地志曰：故殷城在相州內黃縣東南。史記：項羽與章邯期洹水南殷虛上。今河南彰德在

安陽縣。

祖乙圮於耿

書傳曰：圮於相，遷于耿。河水所毀曰圮。水經注曰：汾水又西逕耿鄉城北，故殷都也。帝祖乙自相徙此，爲

河所毀。故書序曰：祖乙圮于耿。後漢郡國志曰：河東郡皮氏有耿鄉。史記正義曰：括地志云：絳州龍門縣東南十二里耿城，故耿國

也。今山西平陽府蒲州河津縣。史記作邢。索隱曰：邢音耿。近代本亦作耿。

盤庚遷於殷。

史記曰：帝盤庚之時，殷已都河北，盤庚渡河南，復居成湯之故居。水經注曰：陽渠又東逕亳殷

南，昔盤庚所遷，改商曰殷，此始也。

書五邦括地志曰：湯自南亳遷西亳，仲丁遷囂，河亶甲居相，祖乙居耿，盤庚渡河，南居西亳，是

五遷也。釋文馬氏曰：五邦謂商丘、亳、囂、相、耿。

武乙徙朝歌。今河南衛輝府汲縣。

史記曰：武乙立，殷復去亳，徙河北。

又曰：昔唐人都河東，殷人都河內，周人都河南。夫三河在天下之中，若鼎足，王者所更居也。

漢書地理志曰：河內，本殷之舊都，周既滅殷，分其畿內爲三國，詩風邶、庸、衛國是也。邶，以封

紂子武庚，庸，管叔尹之，衛，蔡叔尹之，以監殷民，謂之三監。

後漢郡國志曰：朝歌紂所都居，南有牧野，北有邶國。

水經注曰：朝歌城本沫邑。詩云：爰采唐兮，沫之鄉矣。殷王武乙始遷居之，爲殷都也。有糟丘、酒池。城內有鹿臺，紂自投於火處。竹書紀年曰：武王親禽帝受于南單之臺。蓋鹿臺之異名也。

詩譜曰：邶、鄘、衛者，商紂畿內方千里之地。其封域在禹貢冀州太行之東，北踰衡漳，東及兗州桑土之野。周武王伐紂，以其京師封紂子武庚爲殷後。庶殷頑民被紂化日久，未可以建諸侯，乃三分其地，置三監，使管叔、蔡叔、霍叔尹而教之。自紂城而北，謂之邶。南謂之鄘。東謂之衛。

周太王居于岐山。今陝西鳳翔府岐山縣。

史記曰：后稷封于邰。徐廣曰：今釐鄉在扶風。正義曰：括地志云，故釐城，一名武功城，古邰國。公劉居豳。正義曰：括地志云，豳州新平縣，古豳國，公劉所邑之地。古公遷岐。

詩曰：古公亶父，來朝走馬。率西水滸，至于岐下。

孟子曰：太王居邠，狄人侵之，去之岐山之下居焉。

文王作豐。括地志曰：周豐宮在雍州郿縣東三十五里。今陝西西安府郿縣。

詩曰：文王受命，有此武功。既伐于崇，作邑于豐。

武王宅鎬。括地志曰：鎬在雍州西南二十五里。顏師古曰：今昆明池北鎬腋是。今陝西西安府咸陽縣西南。徐廣曰：豐鎬相去二十五里，皆在長安南。

詩曰：考卜維皇，宅是鎬京。維龜正之，武王成之。水經注曰：渭水上承鎬池於昆明池北，周武王之所都也。自漢武帝穿昆明池於是地，基構淪漈，今無可究。

既克商，遷九鼎於維維邑。今河南河南府雒陽縣。

史記曰：武王至於周，自夜不寐，周公旦即王所，曰：曷爲不寐？王曰：告女，維天不饗殷，自發未生於今六十年，麋鹿在牧，蜚鴻滿野。天不享殷，乃今有成。維天建殷，其登名民三百六十夫，不顯亦不寶滅，以至今。素隱曰：言殷家不大光昭，亦不即殲滅，以至今。我未定天保，何暇寐！王曰：定天保，依天室，悉求夫惡，貶從殷王受，日夜勞來，定我西土，我維顯服，及德方明。自維維納延於伊伊納，居易毋固，其有夏之居。徐廣曰：夏居河南，初在陽城，後居陽翟。我南望三塗，北望嶽鄙，素隱曰：杜預云，三塗在陸渾南。嶽，蓋河北太行山。鄙，都鄙，謂近嶽之邑。顧詹有河，粵詹維伊，毋遠天室。營周居於維維邑而後去。

成王使召公相宅。

召誥曰：維二月既望，傳曰：周公攝政七年二月十五日。越六日乙未，王朝步自周，則至於豐。惟太保先

周公相宅，越若來三月。惟丙午朏，越三日戊申，太保朝至於洛，卜宅，厥既得卜，則經營。傳曰：其已得

吉卜，則經營規度城郭、郊廟、朝市之位處。越三日庚戌，太保乃以庶殷攻位於洛洛。傳曰：以衆殷之民，治都邑之位於

洛水之北。今河南城也。正義曰：漢河南縣治。越五日甲寅，位成。若翼日乙卯，周公朝至於洛，則達觀於新

邑營。越三日丁巳，用牲於郊，牛二。越翼日戊午，乃社於新邑，牛一，羊一，豕一。越七日甲子，周

公乃朝用書，命庶殷侯甸男邦伯。厥既命殷庶，庶殷丕作。

洛誥曰：周公曰，予惟乙卯，朝至於洛師。我卜河朔黎水。我乃卜澗水東，灋水西，惟洛食。傳曰：

我卜河北黎水上，不吉。又卜澗灋之間，南近洛，吉。今河南城也。卜必先墨畫龜，然後灼之，兆順食墨。我又卜灋水東，亦

惟洛食。

傳曰：今洛陽也。將定下都，遷殷頑民，故並卜之。

俘來以圖及獻卜。

傳曰：遣使以地圖及獻所卜言兆來告

成王。

又曰：戊辰，王在新邑。傳曰：以十二月戊辰晦到。烝祭歲，文王騂牛一。武王騂牛一。王命作冊，逸祝冊，惟告周公其後。

春秋傳曰：成王定鼎於郊。

卜世三十，卜年七百。

京相璠曰：郊，山名，鄆，邑名。

史記曰：太史公曰，學者皆稱周伐紂居維維，總其實不然。武王營之，成王使召公卜居，居九鼎焉，而周復都豐、鎬。至犬戎敗幽王，周乃東徙於維維。

平王東遷居維維。

史記曰：平王立，東遷於維維，辟戎寇。

詩譜曰：王城者，周東都王城。畿內方六百里之地，其封城在禹貢豫州太華外方之間，北得河陽，漸冀州之南。始武王作邑於鎬京，謂之宗周，是爲西都。周公攝政，五年，成王在豐，欲宅洛邑，使召公先相宅，既成，謂之王城，是謂東都，今河南是也。召公既相宅，周公往營成周，今洛陽是也。成王居洛邑，遷殷頑民於成周，復還歸處西都。至於夷厲，政教尤衰。十一世，幽王嬖褒姒，生伯服，廢申后，太子宜咎奔申。申侯與犬戎攻宗周，殺幽王。於戲！晉文侯鄭武公迎咎於申而立之，是爲平王。以亂故，徙居東都王城。

括地志曰：故王城本郊鄆，周公新築，在洛州河南縣北九里苑內東北隅。自平王以下十二王皆